

ხელშეკრულება №54
სახელმწიფო შესყიდვის შესახებ
დაფინანსების წყარო - სახელმწიფო ბიუჯეტი

ქ. გორი

18 თებერვალი 2020 წელი

„სახელმწიფო შესყიდვების შესახებ“ საქართველოს კანონისა და შპს „ჯი ემ ეს“-ის მიერ ერთიანი ელექტრონული სისტემით წარმოდგენილი სატენდერო წინადადების საფუძველზე, **NAT200002353** ელექტრონული ტენდერის ჩატარების შედეგად, ვდებთ წინამდებარე სახელმწიფო შესყიდვების ხელშეკრულებას შემდეგზე:

ხელშეკრულებაში გამოყენებული ტერმინთა განმარტება:

- „ხელშეკრულება“ სახელმწიფო შესყიდვის შესახებ (შემდგომ – „ხელშეკრულება“) – „სახელმწიფო შესყიდვების შესახებ“ საქართველოს კანონისა და კანონქვემდებარე ნორმატიული აქტის საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, რომლებზეც ხელშეკრულებაშია მინიშნებები.
- „შემსყიდველი ორგანიზაცია“ (შემდგომ „შემსყიდველი“) - ორგანიზაცია (დაწესებულება), რომელიც ახორციელებს სახელმწიფო შესყიდვას;
- „მიმწოდებელი“ - იურიდიული ან ფიზიკური პირი, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- „დღე“, „კვირა“, „თვე“ - კალენდარული „დღე“, „კვირა“, „თვე“.

1. ხელშეკრულების დამდები მხარეები:

ერთის მხრივ, სსიპ – გიორგი აბრამიშვილის სახელობის საქართველოს თავდაცვის სამინისტროს სამხედრო ჰოსპიტალი წარმოდგენილი მისი დირექტორის დავით ბარლიანის სახით (შემდგომში შემსყიდველი); მისამართი: ქ. გორი, ჭავჭავაძის №56; საიდენტიფიკაციო კოდი: 218064699; საბანკო რეკვიზიტები: ქ. თბილისი, სახელმწიფო ხაზინა, მიმღები ბანკი-ხაზინის ერთიანი ანგარიში, მიმღები ბანკი-ხაზინის ერთიანი ანგარიში, სახაზინო კოდი TRESGE22; სახაზინო კოდი 707007519

მეორეს მხრივ, შპს „ჯი ემ ეს“ წარმოდგენილი მისი დირექტორის თენგიზ დოლაბერიძის სახით (შემდგომში „მიმწოდებელი“); იურიდიული / ფაქტიური მისამართი ქ. თბილისი. დიდმის მასივი, ნაკვეთი 25 საიდენტიფიკაციო კოდი: 204453313, მომსახურე ბანკი: სს „პროკრედიტ ბანკი“, ბანკის კოდი: MIBGGE22, ანგარიშის #GE57PC0133600100057791

2 ხელშეკრულების საგანი

- 2.1. ხელშეკრულების საგანია ლაბორატორიული სახარჯი მასალის სახელმწიფო შესყიდვა CPV33140000.
- 2.2. შესყიდვის ობიექტის დეტალური მახასიათებლები მოცემულია ფასების ცხრილში, დანართში, რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 12 900,00 (თორმეტი ათას ცხრაასი) ლარს.
- 3.2 შესყიდვის ობიექტის დეტალური განფასება მოცემულია ფასების ცხრილში, დანართში, რომელიც წარმოადგენს ხელშეკრულების განუყოფელ ნაწილს.
- 3.2 ხელშეკრულების ღირებულება მოიცავს როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

4.1 მიმწოდებელი ვალდებულია:

- ა) უზრუნველყოს საქონლის მიწოდება ეტაპობრივად, ხელშეკრულების გაფორმებიდან 2020 წლის 25

დეკემბრის ჩათვლით, შემსყიდველის მოთხოვნიდან 21 დღის განმავლობაში.

ბ) მიწოდება უნდა განხორციელდეს მისამართზე - ქ. გორი, ჭავჭავაძის 56.

გ) საქონლის მიწოდებისას უზრუნველყოს თანმდევი დოკუმენტაციის გამოწერა (სასაქონლო ზედნადები, მიღება-ჩაბარების აქტი). აღნიშნული დოკუმენტაციის გარეშე საქონელი არ მიიღება.

დ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე, დაუყოვნებლივ უზრუნველყოს აღმოჩენილი ხარვეზის გამოსწორება;

ე) ხელი შეუწყოს შემსყიდველს ინსპექტირების განხორციელებისას;

ვ) უზრუნველყოს ამ ხელშეკრულებით გათვალისწინებული სხვა ვალდებულებების განხორციელება.

4.2 შემსყიდველი ვალდებულია:

ა) უზრუნველყოს ხელშეკრულების შესრულების კონტროლი;

ბ) განახორციელოს ამ მასზე დაკისრებული სხვა ვალდებულებები.

5. ხარისხი და ვარგისიანობის ვადა

5.1 მიწოდებული საქონლის ხარისხი უნდა შეესაბამებოდეს სატენდერო დოკუმენტაციით დადგენილ სტანდარტებს.

5.2 საქონლის ვარგისიანობის ვადაა (არსებობის შემთხვევაში) არანაკლებ 1 წელი მიღება-ჩაბარების აქტის გაფორმებიდან.

6. ხელშეკრულების შესრულების კონტროლი

6.1 "შემსყიდველი" უფლებამოსილია საქონლის მიწოდების პარალელურად მოახდინოს მიწოდებული საქონლის ინსპექტირება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და "შემსყიდველის" მოთხოვნებთან.

6.2 შემოწმების შედეგად გამოვლენილი ნებისმიერი ნაკლის ან დეფექტის შესახებ "შემსყიდველი" დაუყოვნებლივ წერილობით აცნობებს "მიმწოდებელს" დაწუნებული საქონლის რაოდენობისა და წუნდების მიზეზების მითითებით.

6.3. გამოვლენილი დეფექტის ან ნაკლის შესახებ შეტყობინების მიღების შემდეგ მიმწოდებელი ვალდებულია დაუყოვნებლივ ჩაანაცვლოს მიწოდებული საქონელი ახლით.

6.4. ხელშეკრულების კონტროლი განხორციელდება პერიოდულად, წარმოქმნილი საჭიროებიდან გამომდინარე.

6.5. "მიმწოდებელი" ვალდებულია საქონლის მიწოდების განხორციელების დროს კონტროლის ჯგუფს შემოწმების პროცესში აღმოუჩინოს ხელშეწყობა, არ შეუქმნას ხელისშემშლელი პირობები და შესასყიდ საქონელთან დაკავშირებით წარუდგინოს ნებისმიერი სახის ინფორმაცია და დოკუმენტები.

7. საქონლის მიღება-ჩაბარების წესი

7.1. შესყიდვის ობიექტის მიღება-ჩაბარება ხდება მიღება-ჩაბარების აქტის საფუძველზე (კანონმდებლობით დადგენილი დოკუმენტაციის გამოწერით). საქონლის გადაცემა დასტურდება ორივე მხარის მიერ ხელმოწერილი მიღება-ჩაბარების აქტითა და შესაბამისი დოკუმენტაციის გამოწერით, რომელთა გამოწერით ყველა ქონებრივი უფლება საქონელზე ეკუთვნის მიმწოდებელს, რომელიც პასუხისმგებელია შესაძლო რისკებზე - საქონლის შემთხვევით (მთლიანად ან ნაწილობრივ) დაღუპვაზე, გაფუჭებაზე ან სხვა რაიმე ზიანზე. ზემოაღნიშნული დოკუმენტაციის გაფორმების მომენტიდან აღნიშნული უფლებები და რისკები გადადის შემსყიდველზე.

7.2 საქონლის მიღებას აწარმოებს თერაპიული სამსახურის აფთიაქის უფროსი თინა ყაჭეიშვილი.

8. ანგარიშსწორება

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

8.2 შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულებამიღება-ჩაბარების აქტის გაფორმებიდან და სავალდებულო საგადასახადო დოკუმენტაციის წარმოდგენიდან 10 სამუშაო დღის განმავლობაში.

9. ხელშეკრულების შესრულების შეფერხება

9.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

9.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. ამ ხელშეკრულებით განსაზღვრული ვალდებულებების შეუსრულებლობის ან არაჯეროვნად შესრულების შემთხვევაში, მხარეები პასუხს აგებენ საქართველოს კანონმდებლობით, ამ ხელშეკრულებით გათვალისწინებული პირობებით და წესით. თითოეული მხარე ვალდებულია მეორე მხარეს აუნაზღაუროს ვალდებულებების შეუსრულებლობით გამოწვეული ნებისმიერი პირდაპირი თუ არაპირდაპირი ზიანი;

10.2. "შემსყიდველის" მიერ ფინანსური ვალდებულების დროულად შეუსრულებლობის, ან არაჯეროვნად შესრულების შემთხვევაში "მიმწოდებელს" უფლება აქვს დააკისროს პირგასამტეხლო იმ პერიოდისათვის არსებული ფინანსური ვალდებულების 0.02%-ის ოდენობით ყოველ ვადაგადაცილებულ დღეზე.

10.3. "მიმწოდებლის" მიერ ნაკისრი ვალდებულების დროულად შეუსრულებლობის, ან არაჯეროვნად შესრულების შემთხვევაში "შემსყიდველს" უფლება აქვს დააკისროს პირგასამტეხლო შეუსრულებელი ვალდებულებების ღირებულების 0.02%-ის ოდენობით ყოველ ვადაგადაცილებულ დღეზე.

10.4. თუ ვადაგადაცილებული დღეების რაოდენობა გადააჭარბებს 10 დღეს შემსყიდველი უფლებამოსილია შეწყვიტოს ხელშეკრულება და მიმწოდებელი დააჯარიმოს ხელშეკრულების ჯამური ღირებულების 20%-ის ოდენობით.

10.5. თუ ხელშეკრულების შესრულება განხორციელდა ნაწილობრივ, მიმწოდებლის უშუალო გაფრთხილებიდან 10 დღეში, შემსყიდველი ორგანიზაცია უფლებამოსილია შეწყვიტოს ხელშეკრულება და მიმწოდებელი დააჯარიმოს შეუსრულებელი ვალდებულებების 10%-ის ოდენობით.

10.6. საჯარიმო თანხის გადახდა უნდა მოხდეს ვალდებულების შეუსრულებლობის მომენტიდან 10 კალენდარული დღის ვადაში.

10.7. საჯარიმო თანხის გადახდა არ ათავისუფლებს მხარეებს ნაკისრი ვალდებულებების შესრულებისაგან.

10.8. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულებების შეუსრულებლობით.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2 თუ ეს გარიგება ემყარება რეალური მოთხოვნის შეუსაბამო გარემოებებს და იგი არ წარმოიშობოდა მხარეებს რომ საქმის ნამდვილი მდგომარეობა სცოდნოდათ, გარდა იმ შემთხვევისა, თუკი მეორე მხარე თანახმაა შეასრულოს გარიგება რეალური მოთხოვნის შესაბამისად.

13.3 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

13.4 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

14.1 წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს 2021 წლის 31 იანვრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

16.1 ხელშეკრულება შედგენილია ქართულ ენაზე, და ხელმოწერილი იქნება მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონული ვერსია ინახება ხელმოწერ მხარეებთან ერთ ეგზემპლარად, რომელთაც გააჩნიათ თანაბარი იურიდიული ძალა.

16.2 მხარეები ხელშეკრულებაზე ხელმოწერით ადასტურებენ, რომ აღნიშნული შესყიდვის განხორციელებაში მათი მონაწილეობა არ იწვევს ინტერესთა კონფლიქტს.

17. მხარეთა რეკვიზიტები:

შემსყიდველი

სსიპ გიორგი აბრამიშვილის სახელობის
საქართველოს თავდაცვის სამინისტროს
სამხედრო ჰოსპიტალი
დირექტორი

დავით ბარლიანი

მიმწოდებელი

შპს „ჯი ემ ეს“

დირექტორი

თენგიზ დოლაბერიძე

ფასების ცხრილი

პრეტენდენტის დასახელება : შპს "ჯი ემ ეს"

№	დასახელება	წარმოების ქვეყანა	მწარმოებელი კომპანია	განზ. ერთ	რაოდენობა	ერთეულის ფასი	საერთო ფასი
1	იოქიმიური ანალიზატორის VITROS 350-ის სინჯარები #1000	აშშ	ორთო-კლინიკალ დიაგნოსტიკს	კოლოფი	30	103,00	3 090,00
2	ბიოქიმიური ანალიზატორის VITROS 350-ის პიპეტის წვერები #1000	აშშ	ორთო-კლინიკალ დიაგნოსტიკს	კოლოფი	30	255,00	7 650,00
3	ბიოქიმიური აპარატი VITROS 350-ს ტენიანობის კონტროლის ნაკრები	აშშ	ორთო-კლინიკალ დიაგნოსტიკს	კოლოფი	4	165,00	660,00
4	ბიოქიმიური ანალიზატორის VITROS 350-ის ნათურა	აშშ	ორთო-კლინიკალ დიაგნოსტიკს	ცალი	3	500,00	1 500,00
							12 900,00

პრეტენდენტის ხელმოწერა:

თ. დოლაბერიძე
შპს "ჯი ემ ეს" -ის დირექტორი

LTD
GMS

Digitally signed
by LTD GMS
Date: 2020.02.13
13:48:17 +04'00'

ხელწერილი
ინტერესთა კონფლიქტის არარსებობის შესახებ

ვიზირებულია:

ჩვენ, ქვემოთ ხელის მომწერნი ვადასტურებთ, რომ აღნიშნულ შესყიდვის განხორციელებასთან დაკავშირებით ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს 2005 წლის 20 აპრილის კანონის მე-8 მუხლის მე-4 პუნქტის მოთხოვნებს და შპს „ჯი ემ ეს“-თან ინტერესთა კონფლიქტში არ ვიმყოფებით.

გენერალური მენეჯერი:

_____ზურაბ რუსიშვილი

ადმინისტრაციის უფროსი:

_____ნოდარ ჩიმაკაძე

ფინანსების მართვისა და სახელმწიფო
შესყიდვების სამსახურის უფროსის მოადგილე:

_____გრიგოლ გვრიტიშვილი

მთავარი სპეციალისტი (იურისტი):

_____კუკური გოცაძე

აფთიაქის უფროსი:

_____თინა ყაჭეიშვილი

შესრულებელი: ფინანსების მართვისა და სახელმწიფო შესყიდვების სამსახურის მთავარი
სპეციალისტი (შესყიდვები):

----- ეკატერინე ბერმენიშვილი